

SABAHUDIN DELALIĆ
Zastupnik SDA
Skupština Kantona Sarajevo

15. radna sjednica Skupštine Kantona Sarajevo

Na osnovu člana 106. Poslovnika o radu Skupštine Kantona Sarajevo postavljam sljedeću

PONOVLJENU ZASTUPNIČKU INICIJATIVU VLADI KANTONA

Tražim da Vlada Kantona uvede obavezu svim organizacijama koje podnose izvještaj o radu Skupštini Kantona Sarajevo da uz izvještaj naprave sumarni tabelarni pregled sa ključnim informacijama i pokazateljima za period od najmanje 5 godina, te da u finansijskom izvještaju prikažu iznose neto plata i drugih primanja po kategorijama poslova.

Obrazloženje:

Skupština dobija iste izvještaje o radu koje dobija i Vlada. U kratkom roku od dobijanja materija zastupnici koji to i žele ne mogu pregledati sve materijale jer se nekada radi o hiljadama stranica izvještaja.

Pored toga, Skupština i ne treba razmatrati sve detalje koje razmatra Vlada kao izvršni organ, ili biti mjesto za rekla-kazala, već na osnovu ključnih informacija i pokazatelja, te stava Vlade, ocijeniti ukupni rad javne institucije. Odnosno, ispunjavanje obaveza za koje je osnovana i opravdanost ukupnog utroška budžetskih i drugih sredstava po finansijskom izvještaju, te eventualne potrebe promjene zakona ili propisa.

Primjer ključnih pokazatelja kroz godine je:

- broj i stručna struktura zaposlenih;
- pokazatelji kvaliteta i kvantiteta dostupnih i pruženih usluga i uspjeha;
- iznosi i struktura kapitalnih nabavki i tekućih troškova;
- ukupni finansijski iznosi, prekoračenja budžeta, dugovanja i otplate;
- primanja po kategorijama poslova.

Radi navedenog se treba izmijeniti metodologija izrade izvještaja tako da se uvede obaveza pravljenja sumarnog pregleda sa ključnim informacijama i tabelarnima pokazateljima za period od najmanje 5 godina, iz kojeg će se vidjeti da li organizacija napreduje ili nazaduje.

Skupština dobija finansijske izvještaje gdje se nalaze samo ukupni iznosi izdataka za plate i naknade, ili u najboljem slučaju prosjeci za firmu, što ne daje sliku kolika su stvarna primanja po kategorijama poslova, primjerice: NK radnik, SSS referent, stručni saradnik/savjetnik, šef odjela, šef sektora, član uprave, direktor. Da bi se stekao stvarni a ne pogrešan ili medijski uvid, potrebno je da Izvještaj o finansijskom poslovanju svake kantonalne organizacije, uključujući i organe uprave, preduzeća, ustanove, fondove itd. sadrži i ove podatke.

Ovakav prikaz podataka postoji u Izvještaju o radu za 2015. godinu Zavoda za informatiku i statistiku Kantona Sarajevo, što pokazuje da je moguće navesti takve podatke, ali to što se ne nalaze u ostalim pokazuje da je potrebno propisati obavezu.

Vlada ima mogućnost i nadležnost dopuniti Odluku o o metodologiji izrade izvještaja o radu kantonalnih organizacija tako da propiše dodatne odnosno tražene zahtjeve, što je već traženo 12.11.2015. godine.

Sarajevo, 30. 05. 2015 godine

SABAHUDIN DELALIĆ
Dopredsjedavajući Skupštine